



# SUD BiH Odbrana Alija Lokaja ne pristaje na predloženu kaznu TUŽILAŠTVO TRAŽI SEDAM, ODBRANA NUDI OD 3 DO 6 GODINA ROBIJE

**Svjedočili Denis Jašić i Hakija Mehović, koji su uhapšeni u akciji Oskar, te Edin Maličević, koji je Lokaju iznajmio stan u naselju Tibra • Policija ih presrela na putu i našla drogu na zadnjem sjedištu**

Ali Lokaj, zvani Aga i Aljo (1957), rođen na Kosovu, organizator kriminalne grupe koja je švercovala drogu iz Makedonije, Srbije i sa Kosova u BiH, još nije potpisao sporazum sa Tužilaštvom BiH, a što su učinili njegovi saučesnici, isključivo zato što on i njegov branilac ne žele da pristanu na ponudu Tužilaštva da mu se izrekne kazna koja je prema njihovom mišljenju visoka, rekao je na ročištu u Sudu BiH Lokajev advokat Omar Mehmedbašić.

## Sastanak u Dolini mira

Naime, Tužilaštvo je Lokaju ponudilo da odleži sedam godina zatvora ako prizna krivično djelo. Međutim, Lokaj i njegov advokat smatraju da bi odgovarajuća kazna za krivično djelo za koje se on tereti bila u rasponu od tri do šest godina. Advokat Mehmedbašić istakao je da na visinu kazne treba uticati i činjenica da Lokaj do sada nije kažnjavan.

Inače, na istom ročištu iskaze su dala tri svjedoka optužbe i to Denis Jašić, Hakija Mehović i Edin Maličević. Za razliku od Maličevića, koji je Lokaju iznajmio stan u naselju Tibra u Sarajevu, Jašić i Mehović istakli su da ne poznaju optuženog.

Jašić je ispričao da već sedam, osam godina povremeno konzumira marihuanu. Rekao je da poznaje Mehovića i da mu je on nekad bio prijatelj. Pojasnio je da Mehović ima restoran Dolina mira u Sarajevu, te da ga je posjetio u decembru 2014. Svjedok je rekao da je kontaktirao Mehovića i pitao ga da li mu može nabaviti marihuanu, te da mu je Mehović rekao da će vidjeti. Na ponovni susret sa Mehovićem Jašić je čekao dva ili tri mjeseca. Potom je sa jednim prijateljem (Mir-

zom Mehmedinovićem iz Kiseljaka, koji je već dao iskaz) iz Kiseljaka došao u Sarajevo, u Dolinu mira. Mehović mu je rekao da sačeka i vratio se nakon nekoliko sati noseći 500 grama marihuane. Jašić je drogu platio, kako je kazao, 1.000, 1.200 KM, a potom krenuo kući u Živinice. Međutim, presrela ga je nekoliko vozila u kojima su bili policajci koji su ga uhapsili. Drogu su mu pronašli na zadnjem sjedištu...

Podsjetimo, Mirza Mehmedinović iz Kiseljaka priča o poznanstvu sa Denisom Jašićem, te je rekao da je sa njim iz Kiseljaka u fiatu punto krenuo ka Sarajevu.

U restoranu u Reljevu su, kako je rekao, sjedili četiri sata. Jašić je iz restorana izašao na 15-20 minuta, nakon čega se vratio, te su pošli nazad u Kiseljak. On je sa sobom nosio torbu za laptop u kojoj je bila marihuana i u ruci zamotanu travu. Nedaleko od njihove kuće u Kiseljaku sačekali su ih policajci i uhapsili. Iza Jašićevog sjedišta pronađena je torba sa marihuanom.

Svjedok Hakija Mehović rekao je da restoran Dolina mira u naselju Rječica kod Reljeva drži njegova žena. Drogu je nabavio posredstvom poznanika iz rata Nijazija Muharemića. Susreo ga je u bolnici Koševo. Tamo je Mehović išao na operaciju kičme, a Muharemi je išao kod supruge koja ima rak. Tada mu je Muharemi rekao da treba pare za lijekove supruzi, te ga pitao ima li ko da kupi 500 grama marihuane. Kada je Jašić pozvao Mehovića, on se sjetio Muharemića. Iako se, kako je rekao, jednom već opekao u poslovima s drogom (jer je osuđen za isto djelo), ipak je pozvao Jašića, preuzeo drogu od Nijazija i preproudao je njemu.

Edin Maličević ispričao je da je Lokaj koristio njegov stan u naselju Tibra u Ulici stupska 19, te

da je plaćao kiriju od 300 maraka. U stan nikad nije dolazio, a vidao je Lokaja samo kad bi uzimao kiriju.

Na narednom ročištu koje je planirano 1. oktobar trebali bi biti reprodukovani presretnuti telefonski razgovori između osoba uhapšenih u akciji Oskar. S obzirom na to da su razgovori uglavnom na albanskom, na ročištu će biti i prevodilac za albanski Afrodit Kalabić.

## Šifrovane poruke

Kao što smo već pisali, Agim Eljšani, zvani Gimi (1963), rođen na Kosovu, a nastanjen u Bihaću, osuđen je na godinu zatvora, nakon što je Sud BiH prihvatio sporazum koji su sklopili on i njegov branilac Ismet Fejzić i Tužilaštvo BiH. Na isti način Vidak Milić, zvani Zec (1950), i Vahidin Dobrača (1986) presudama Suda BiH osuđeni su na po godinu zatvora, dok je Hakiji Mehoviću (1961) izrečena kazna od dvije godine i pet mjeseci, također nakon razmatranja sporazuma sklopljenih sa Tužilaštvom BiH. Prethodno su Nijazi Muharemi, zvani Tiki Kiki (1963), rođen u Tetovu, te Nermin Planinčić (1976) i njihovi branioci Muhidin Kapo i Senad Dupovac sklopili nagodbe sa državnim Tužilaštvom, te im je Sud izrekao kazne od po godinu i šest mjeseci robije.

Podsjetimo, Ali Lokaj, Eljšani, Muharemi, Planinčić, Milić, Dobrača i Mehović te druge osobe pripadali su grupi organizovanoj radi prenosa, držanja i posredovanja u daljoj međunarodnoj prodaji heroina i skanka. Tu drogu su iz Makedonije, Srbije i sa Kosova prenosili u BiH. Heroin iz Srbije, stoji u optužnici, miješali su sa drugim supstancama i prodavali u BiH i Srbiji, te najčešće koristili šifrovane ter-

Page: 8

Reach: 0

Country: BOSNIA AND HERZEGOVINA

Size: 617 cm2

2 / 2

mine koji su označavali vrstu, količinu i cijenu droge, kao i mjesto i vrijeme susreta radi preuzimanja i isplate cijene za kupljene narkotike. Lokaj i ostali uhapšeni su sredinom decembra 2014. u akciji SIPA kodnog imena Oskar. **D. P.**

### **OPEKAO SE**

**Iako se, kako je rekao, jednom već opekao u poslovima s drogom (jer je osuđen za isto djelo), ipak je pozvao Jašića, preuzeo drogu i preprodao je njemu**



**Omar Mehmedbašić:** Optuženi nije ranije kažnjavan



**Vidak Milić** po nagodbi sa Tužilaštvom (svojevremeno) osuđen na godinu zatvora